




ÁSLANDSSKÓLI - FRÉTTABLAÐ

FLÓRGODINN

Meðal efnis í þessum Flórgoða:

- Í skólabyrjun
- SMT skólafærni
- Deildarstjórar og fagstjórar
- Skólaheiti
- Höfuðlús
- Skólafatnaður
- Snemma í háttinn - hress og kát í skólanum



Hleypum sólinni inn

Í skólabyrjun

Kæru nemendur foreldrar / forráðamenn

Þá er sjötta starfsár Áslands-skóla hafið.

Í vor leit út fyrir fækkun nemenda með stækkun Hraunvallaskóla en líkt og önnur haust bættist við þó nokkur hópur. Því stunda nú um 450 nemendur nám við skólann.

Að mörgu er að hyggja er skólahald hefst að hausti.

Nokkrir nýir kennarar hafa bæst í hópinn, nýir aðrir starfsmenn og svo auðvitað fjölmargir nýir nemendur. Allan þennan stóra hóp bjóðum við hjartanlega velkominn í skóla-samfélagið okkar hér í Áslandi.

Sumir hverjir eru nú að hefja skólagöngu sína og það hlýtur að vera tilhlökkunarefni að ganga í jafn glæsilegan skóla sem Áslandsskóli sannarlega er. Því er mikilvægt að innra starf hans sé líka glæsilegt og að allir leggi metnað sinn í að svo verði.

Nemendur í 1. bekk er stór og myndarlegur hópur í skólanum okkar og því ljóst að öll þurfum við að sýna hjálpsemi og samkennd svo aðlögun þeirra að daglegu skólalífi verði með jákvæðum hætti.

Það þurfa allir að hjálpast að við að búa til góðan skóla þar sem vellíðan nemenda, vönduð vinnubrögð og góður námsárangur eru í forgrunni.

Samstarf heimila og skóla verður að vera traust og með jákvæðum hætti og mikilvægt er að foreldrar séu virkir þátttakendur og vel upplýstir um starfsemi skólans.

Þá er einnig lykilatriði að nemendur temji sér náms- og vinnuaga og að faglegur metnaður ríki meðal starfsmanna skólans.

Jákvætt skref hefur verið stigið varðandi sérfræðiþjónustu skólanna með þeim hætti að skólasálfræðingar hafa nú aðsetur úti í skólunum. Edda Vikar Guðmundsdóttir sem verið hefur skólasálfræðingur við Áslandsskóla helgar sig nú PMT/SMT þættinum í sveitarfélaginu og mun Kolbrún Baldursdóttir koma í hennar stað. Hún verður með aðsetur í skólanum á þriðjudögum og fimmtudögum í vetur.

SMT skólafærni var hrint í framkvæmd í upphafi síðasta

skólaárs og tókst innleiðin vonum framar. Forráðamenn og nemendur munu sjá skýr fyrirsmáli hanga á veggjum skólans sem útbúin hafa verið fyrir ákveðin svæði skólans. Þá geta nemendur fengið “fugla” fyrir að sýna jákvæða hegðun í starfi skólans. Fuglunum er síðan safnað saman í umsjónarbekk nemandans eftir að hann hefur farið með “fuglinn” heim og sýnt forráðamönnum. Nánar verður farið yfir SMT skólafærni í tengslum við skólakynningar í árgöngum og í þessu blaði.

Þær breytingar hafa orðið á skrifstofu skólans að Hulda Björk Magnúsdóttir hefur nú starfsheitið skrifstofustjóri og Dögg Ívarsdóttir starfsheitið skólaritari.

Nokkur hópur nemenda í 8.-10. bekk býr á Völlum. Verður þeim ekið í skólann að morgni og heim aftur síðdegis ásamt notkun stræt-ómíða.

Um leið og ég óska starfsfólki, nemendum, forráðamönnum velfarnaðar á því skólaári sem nú er farið af stað vil ég minna okkur öll á að allir eiga rétt á því að vera þeir sjálfir. Við þurfum

SMT í Áslandsskóla

Markmið SMT-skólafærni (hafnirsk útfærsla á bandarísku aðferðinni *Positive Behavior Support/PBS*) er að skapa gott andrúmsloft í skólum og tryggja öryggi og velferð nemenda og starfsfólks. Lögð er áhersla á að koma í veg fyrir og draga úr óæskilegri hegðun nemenda með því að kenna og þjálfra félagsfærni, gefa jákvæðri hegðun gaum með markvissum hætti og samræma viðbrögð starfsfólks gagnvart nemendum sem sýna óæskilega hegðun. Þessi nálgun byggir á margra ára rannsóknum sérfræðinga, í Oregon í Bandaríkjunum, og er framkvæmd í samráði við þá.

SMT-skólafærni byggir á hugmyndafræði PMT-FORELDRAFÆRNI og er framkvæmd undir merkjum þeirrar þjónustueiningar, sem verið hefur leiðandi hér á landi í notkun og útbreiðslu PMT verkfæra til uppalenda. PMT (*Parent Management Training*) verkfærin

eru vel rannsökuð af færustu sérfræðingum, notkun þeirra stuðlar að góðri aðlögun barna og þau eru því afar mikilvæg hjálpartæki. Foreldrum býðst að tileinka sér PMT-foreldrafærni jafnframt því sem skólasamfélagið á möguleika á innleiðingu SMT-skólafærni.

Í kjölfar þess var ákveðið að innleiða SMT-skólafærni sem byggir á sama hugmyndafræðilega grunni og áratuga rannsóknum líkt og PMT.


Við í Áslandsskóla byrjuðum á undirbúningi skólaárið 2004-2005 og innleiðingu á síðasta skólaári. Óhætt er að fullyrða að skólabragur varð betri og aukning á jákvæðri hegðun nemenda. Svokallað SMT teymi er starfrækt innan skólans sem í sitja Leifur S. Garðarsson skólastjóri, Unnur Elfa Guðmundsdóttir aðstoðar-skólastjóri, Júlíana Jónsdóttir námsráðgjafi, Edda Vikar

Guðmundsdóttir frá Skóla-skrifstofu, Rannveig Hafberg deildarstjóri í 1.-6. bekk, Hulda Gunnarsdóttir kennari, Auður Óskarsdóttir kennari, Kristín Jóna Magnúsdóttir deildarstjóri í 7.—10. bekk og Dögg Ívarsdóttir skólaritari.

Í Áslandsskóla styrkjum við jákvæða hegðun með svokölluðum “fuglum” en þeir vísa til skólamerkisins þar sem fjórir fuglar fljúga að sama marki. Nemendur geta fengið gulan, rauðan og grænan fugl frá starfsfólki og bekkir bláan fugl frá skólastjóra. Þegar tilteknum fuglafjölda er náð fær bekkurinn fuglaveislu en þá er hefðbundið skólastarf brotið upp.

Þegar nemendur sýna óæskilega hegðun gætu þeir fengið svokallaðan stoppmiða sem er skráningarmiði yfir óæskilega hegðun viðkomandi. Stoppmiðinn fer síðan inn í ákveðið agáferli þar sem nákvæmlega er skráð hver var upplýstur og hver tók málið að sér.

Það er mat okkar sem starfa í



Snemma í háttinn hress og kát í skólanum

Þann 1. september breyttist útvistartíminn og börn 12 ára og yngri mega ekki vera úti eftir kl. 20:00.

Unglingar 13 - 16 ára, þau sem eru í unglingadeildum grunnskóla mega vera úti til kl. 22:00.

Foreldrar hafa auðvitað fullan rétt á að stytta þennan útvistartíma og margir hafa gert það, sérstaklega foreldrar barna í 8. bekk.

Foreldrar og aðrir sem tengjast börnum eru hvattir til að virða reglur um útvistar-tímann. Börnin þurfa sinn svefn og mæta iðulega snemma í skólann. Hlúa þarf að heimalærdómi og gott er að eiga samveru-stundir inni á heimilinu á kvöldin.

Hinsvegar hafa íþróttafélög og æskulýðsstarf Hafnarfjarðar undanþágurétt gagnvart þessum reglum en ljóst er að til-efni til undanþágu verða æ fátíðari. Þó eru félagsmiðstöðvar opnar á föstudagskvöldum en þá er engin skóli daginn eftir.

Skólafatnaður

Í vikunni fyrir skólabyrjun mátuðu og pöntuðu milli um 70% nemenda nýjan skólafatnað.

Nýir bolir frá HENSON og nýjar buxur frá sama fyrirtæki, ásamt flíspeysu frá Cintamani mynda skóla-fatnað Áslandsskóla.

Af gefnu tilefni skal þess getið að algerlega óheimilt er að nota merki skólans á annan fatnað eða setja annað en nafn nemanda á skólafatnaðinn.

Á næstunni verður auglýstur máttunardagur fyrir þá sem ekki komust til máttunar ásamt því sem eldri fatnaður verður seldur með verulegum afslætti.

Deildar- og fagstjórar

Deildarstjórar eru í Áslandsskóla í fyrsta sinn þetta skólaár. *Rannveig Hafberg* er deildarstjóri í 1.-6. bekk og *Kristín Jóna Magnúsdóttir* deildarstjóri í 7.-10. bekk.

Fagstjórar þetta skólaár eru:

Jónína Ósk Ingólfsdóttir í samfélagsfræði, *Jónína Einarsdóttir* í list og verkgreinum, *Auður Óskarsdóttir* í íslensku, *Björg Haraldsdóttir* í náttúrufræði, *Hálfdan Þorsteinsson* í stærðfræði, *Kristín Jóna Magnúsdóttir* í dönsku, *Jörundur Áki Sveins-son* í íþróttum og *Jenny B. Rúnarsdóttir* í ensku.

Höfuðlús

Nú þegar skólastarf er að hefjast viljum við vinsamlegast biðja ykkur um áframhaldandi samstarf í því að fyrirbyggja útbreiðslu á höfuðlús.

Samkvæmt tilmælum landlæknis er hlutverk skólahjúkrunarfræðinga að ráðleggja, styrkja og leiðbeina foreldrum hvernig hægt sé að koma í veg fyrir höfuðlúsasmit, einnig hvernig hægt sé að losna við hana verði hennar vart.

Við viljum leggja áherslu á að:

Þið kambið reglulega hár barnanna ykkar með lúsakambi. 1x í viku við upphaf skólaárs og eftir nánari leiðbeiningum komi upp tilfelli í bekknum.

Kembing er besta leiðin til að finna lús. Nauðsynlegt er að finkemba allt hárið.

Þið fræðið börn ykkar um helstu smitleiðir.

Lúsin getur skriðið á milli kolla ef bein snerting verður frá hári til hárs.

Notið ekki greiður, bursta eða höfuðföt annara.

Gott ráð er að geyma höfuðföt og trefla í úlpuermum.

Nánari upplýsingar um lús og lúsamedferð er að finna á vef landlæknis www.landlaeknir.is slá inn höfuðlús í leitar reit efst á síðu.

Skólaheiti

Ég heiti því að koma fram við aðra eins og ég vil að aðrir komi fram við mig.

Ég vil leggja mig fram um að bera virðingu fyrir sjálfum mér og öðrum.



Kríuási 1
221 Hafnarfirði

Sími: 585 4600
Bréfsími: 585 4610
www.aslandsskoli.is
aslandss@ismennt.is

www.aslandsskoli.is

FLÓRGÓÐINN

**Fréttablað
Áslandsskóla**

Ábyrgð, hönnun, umbrot og skrif:

Leifur S. Garðarsson
skólalastjóri